



სსიპ - საქართველოს კომუნიკაციების ეროვნული კომისია

ქ. თბილისი, ქ.წამებულის გამზირი/ბოჭორმის ქ.50/18

**გამარტივებული ელექტრონული ტენდერის საშუალებით სატელეფონო მომსახურების
შესყიდვა**

ს ა რ ჟ ე ვ ი

1. ინსტრუქტაჟი გამარტივებულ ელექტრონულ ტენდერში მონაწილეთათვის -3
2. ტექნიკური დავალება ----- 4
3. სახელმწიფო შესყიდვის ხელშეკრულების პროექტი ----- 5
4. დანართი ----- 9

1. ინსტრუქცია ტენდერში მონაწილეობისათვის

1. ელექტრონული სახელმწიფო შესყიდვა ტარდება სახელმწიფო შესყიდვების ერთიანი ელექტრონული სისტემაში (შემდგომში – სისტემა).
2. სისტემაში შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.
3. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
4. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.
5. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.
6. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
7. პრეტენდენტს არა აქვს უფლება წარმოადგინოს ალტერნატიული სატენდერო წინადადება.
8. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:
სატენდერო კომისიის აპარატის წევრები:
გრიგოლ სულუხია ტელ: 399669, ელ.ფოსტა: gsulukhia@gncc.ge

ტექნიკური დავალება

1.4. პრეტენდენტმა უნდა უზრუნველყოს საქართველოს კომუნიკაციების ეროვნული კომისიის მიერ მოთხოვნილ მისამართებზე სატელეფონო მომსახურების მოწოდება კერძოდ

შემდეგ მისამართებზე:

ა) ქ. თბილისი, ქ.წამებულის გამზ/ბოჭორმის ქ.50/18 (51 სატელეფონო ნომრის მომსახურება სააბონენტო ნომრების შენარჩუნება სავალდებულოა).

ბ) ქ.თბილისში ძეგვის მთაზე მდებარე კომისიის სტაციონალურ სადგურზე (თოდრიას ქ. 50) 1 სატელეფონო ნომრის მომსახურება (სააბონენტო ნომრის შენარჩუნება სავალდებულო არ არის);

გ) ხობის რაიონის ურთას მთაზე მდებარე კომისიის სტაციონალურ სადგურზე 1 სატელეფონო ნომრის მომსახურება (სააბონენტო ნომრის შენარჩუნება სავალდებულო არ არის).

ამ ტენდერით მოთხოვნილი სატელეფონო მომსახურება გულისხმობს შემდეგი სახის კონკრეტულ მომსახურებებს:

1.ქ.თბილისში ძეგვის მთაზე მდებარე კომისიის სტაციონალურ სადგურზე ერთი სატელეფონო ნომრის (თოდრიას ქ. 50) და ხობის რაიონის ურთას მთაზე მდებარე კომისიის სტაციონალურ სადგურზე ერთი ცალი სატელეფონო ნომრის მომსახურება (სააბონენტო);

2. 51 სატელეფონო ნომრის მომსახურება ქ. თბილისში, ქ.წამებულის გამზ/ბოჭორმის ქ. 50/18-ში (სააბონენტო) 2მზ/წმ (E1) არხით;

3. სხვა უკაბელო სატელეფონო კომპანიის აბონენტებთან კავშირი;

4.სხვა სატელეფონო კომპანიის ფიქსირებული ქსელის აბონენტებთან კავშირი;

5.მობილურ ოპერატორებთან კავშირი (წამობრივი დამრგვალება);

6.საქალაქთაშორისო სატელეფონო კავშირი, ფიქსირებული ქსელის სხვა ოპერატორებთან;

7.საერთაშორისო კავშირი - განფასება წარმოდგენილი უნდა სატენდერო წინადადებასთან ერთად დანართის სახით.

8. ოპერატორის შიდა ქსელში მომსახურება.

1.5. 1.4-ი პუნქტში გათვალისწინებული მომსახურებების სავარაუდო მოცულობა 2014 წლის განმავლობაში მოცემულია №1 ცხრილის სახით, რომლის შესაბამისად პრეტენდენტმა უნდა წარმოადგინოს მომსახურების განფასება:

ცხრილი №1

შენიშვნა: წუთების რაოდენობისა და ღირებულების სვეტები არ ვრცელდება ცხრილის პირველ და მე-2 პუნქტებზე

№	მომსახურების სახეობა	წუთების რაოდენობა (01.01.2014-31.12.2014)	1 წუთის ღირებულება	მთლიანი ღირებულება (კანონმდებლობით გათვალისწინებული გადასახადების, სააბონენტო და ყველა ხარჯისა ჩათვლით)
1	2 ცალი ტელეფონის მომსახურება (სააბონენტო სატელეფონო 1 წლის განმავლობაში)			არაუმეტეს 240 ლარი
2	51 სატელეფონო ნომრის (სააბონენტო და 2მზ/წმ (E1) არხით მომსახურების სატელეფონო 1 წლის განმავლობაში)			არაუმეტეს 3252 ლარი
3	სხვა უკაბელო სატელეფონო კომპანიის აბონენტებთან კავშირი	50000 წთ		არაუმეტეს 1,500.00 ლარი
4	სხვა სატელეფონო კომპანიის ფიქსირებულ აბონენტებთან კავშირი	110000 წთ		არაუმეტეს 2,750.00 ლარი
5	მობილურ ოპერატორებთან კავშირი, (წამობრივი დამრგვალება); 1. მაგთი; 2. ჯეოსელი; 3. მობიტელი (ბილაინი)	მაგთი 80000 წთ; ჯეოსელი 80000 წთ; მობიტელი (ბილაინი) 30000 წთ		არაუმეტეს 7,600.00 ლარი
6	საქალაქთაშორისო სატელეფონო კავშირი, ფიქსირებული ქსელის სხვა ოპერატორებთან	15000 წთ		არაუმეტეს 600.00 ლარი
7	ოპერატორის შიდა ქსელში კავშირი არანაკლებ 150000 აბონენტთან	უღირს		0.00 ლარი
8	საერთაშორისო კავშირი (დადგენილი ყველაზე დაბალი ტარიფების შესაბამისად)			ფიქსირებულად არაუმეტეს 10000 (ათი ათასი) ლარი წარმოდგენილი დანართის შესაბამისად

9	მთლიანი მომსახურების ღირებულება	_____ლარი
---	---------------------------------	-----------

1.7. მომსახურება უნდა განხორციელდეს ხელშეკრულების გაფორმებიდან 2015 წლის 31 დეკემბრის ჩათვლით.

1.8. პრეტენდენტი ტექნიკური დოკუმენტაცია უნდა შეიცავდეს გასაწევი მომსახურების განფასებას. სატენდერო წინადადების ღირებულება უნდა მოიცავდეს ამ ტენდერით გათვალისწინებული მომსახურების სრულყოფილად გაწევასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებულ უნდა იქნას დღე-ს ჩათვლით. ამ გამარტივებული ელექტრონული ტენდერის შედეგად დადებული ხელშეკრულებით გათვალისწინებული ანგარიშსწორება მოხდება კომისიის ბიუჯეტიდან, ხელშეკრულების ჯამურ ღირებულებაში გათვალისწინებული იქნება გამარჯვებული პრეტენდენტის მიერ წარმოდგენილი სატენდერო წინადადების ფასი.

1.9. ანგარიშსწორება განხორციელდება წარმოდგენილი ანგარიშფაქტურების საფუძველზე, წინასწარი ანგარიშსწორების პირობები არ განიხილება.

1.10. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

1.11. პრეტენდენტმა სატენდერო წინადადებასთან ერთად უნდა წარმოადგინოს საკუთარი რეკვიზიტები (სახელი/სახელწოდება, საიდენტიფიკაციო კოდი, საბანკო მონაცემები, მისამართი, ტელეფონი)

შენიშვნა: დადგენილი ურთიერთჩართვის ტარიფის შემცირების შემთხვევაში, შემსყიდველის წერილობითი მოთხოვნის წაყენებიდან 1 კვირის განმავლობაში მიმწოდებელმა უნდა უზრუნველყოს ურთიერთჩართვის ტარიფის შემცირებული ოდენობით შესაბამისი სატელეფონო მომსახურების საფასურის შემცირება.

სახელმწიფო შესყიდვების შესახებ ხელშეკრულების პროექტი
ხელშეკრულება N

ქ. თბილისი

2014 წელი

ერთის მხრივ სსიპ საქართველოს კომუნიკაციებიერ ეროვნული კომისია (შემდგომში „შემსყიდველი“) წარმოდგენილი მისი თავმჯდომარის ----- სახით და მეორეს მხრივ, ----- (შემდგომში „მიმწოდებელი“) წარმოდგენილი მისი ----- სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“–ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი

2. ხელშეკრულების საგანი

- 2.1. სატელეფონო მომსახურება, რომელიც გულისხმობს სატელეფონო მომსახურების გაწევას ხელშეკრულების გაფორმებიდან 2015 წლის 31 დეკემბრის ჩათვლით:
 - ა) 51 სატელეფონო ნომრის მომსახურება (სააბონენტო) 2მზ/წმ (E1) არხით ქ. თბილისი, ქ.წამებულის გამზ/ბოჭორმის ქ.50/18.
 - ბ) ერთი სატელეფონო ნომრის მომსახურება ქ.თბილისში ძეგვის მთაზე მდებარე კომისიის სტაციონალურ სადგურზე (თოდრიას ქ. 50)

გ) ერთი სატელეფონო ნომრის მომსახურება ხობის რაიონის ურთას მთაზე მდებარე კომისიის სტაციონალურ სადგურზე.

დ) სხვა უკაბელო სატელეფონო კომპანიის აბონენტებთან კავშირი;

ე) სხვა სატელეფონო კომპანიის ფიქსირებული ქსელის აბონენტებთან კავშირი;

ვ) მობილურ ოპერატორებთან კავშირი (წამობრივი დამრგვალება);

ზ) საქალაქთაშორისო სატელეფონო კავშირი, ფიქსირებული ქსელის სხვა ოპერატორებთან;

თ) საერთაშორისო კავშირი.

ი) ოპერატორის შიდა ქსელში მომსახურება.

ე) სატელეფონო მომსახურება გულისხმობს პრეტენდენტის მიერ წარმოდგენილი სატენდერო წინადადებით შემოთავაზებულ მომსახურებებს, რომელიც დანართის სახით ამ ხელშეკრულებას.

2.2. ხელშეკრულებით გათვალისწინებული მომსახურების აღწერა მოცემულია ტექნიკურ დავალებაში.

3. ხელშეკრულების ღირებულება

3.1. ხელშეკრულების ჯამური ღირებულება შეადგენს ————— ლარს.

3.2. ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ ყველა ხარჯს.

3.3. ხელშეკრულებით გათვალისწინებული ანგარიშსწორება ხორციელდება შემსყიდველის საკუთარი სახსრები.

4. ანგარიშსწორების ფორმა და ვადები

4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

4.2. მიმწოდებელთან ანგარიშსწორება იწარმოებს ეტაპობრივად. შუალედური ანგარიშსწორება იწარმოებს მხარეთა მიერ ხელშეკრულებით გათვალისწინებული განეული მომსახურების შესაბამისი ანგარიშგაქვითვის საფუძველზე.

4.3. თითოეული ანგარიშგაქვითვაში ნაჩვენები უნდა იქნას განეული მომსახურების ღირებულება.

5. მომსახურების განევის ადგილი და ვადა

5.1. მიწოდების ადგილი (ადგილები) გათვალისწინებულია ტექნიკურ დავალებაში.

5.2. მომსახურების განევის ვადაა ხელშეკრულების გაფორმებიდან 2015 წლის 31 დეკემბრის ჩათვლით.

5.3. მომსახურების განევა უნდა განხორციელდეს ტექნიკური დავალების შესაბამისად.

6. მხარეთა უფლება-მოვალეობანი

6.1. შემსყიდველი უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

ბ) მომსახურების განწევის დარსულებამდე გამოითხოვოს მიმწოდებლისაგან მისთვის საჭირო დოკუმენტი.

6.2. შემსყიდველი ვალდებულია:

ა) უზრუნველყოს მიმწოდებლის მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;

ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს პროცესს და საჭიროების შემთხვევაში, მიმწოდებელს გაუწევს შესაბამის კონსულტაციას.

6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. მიმწოდებელი ვალდებულია:

ა) გასწიოს მომსახურება სათანადო ხარისხითა და სრული მოცულობით.

ბ) უზრუნველყოს მომსახურების განწევა ტექნიკური დავალების შესაბამისად;

7. ხელშეკრულებით ნაკისრი ვალდებულებების შესრულების ინსპექტირება

7.1. ხელშეკრულებით ნაკისრი ვალდებულებების შესრულების ინსპექტირებას განახორციელებს შემსყიდველის მიერ ხელშეკრულების დადების მომენტისათვის შესაბამისად განსაზღვრული პირი.

7.2. ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე განწეული მომსახურების ხარისხის კონტროლს.

7.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

8. პირგასამტეხლო ხელშეკრულების პირობების შეუსრულებლობისათვის

8.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტეხლო ყოველ გადაგადაცილებულ დღეზე სახელშეკრულებო ღირებულების 0,1%-ის ოდენობით.

8.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი ითვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.3. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა საქართველოს კანონმდებლობით დადგენილი წესით.

9.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.5. მხარე ვალდებულია 9.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი

ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2016 წლის 31 იანვრის ჩათვლით.

შემსყიდველი:

სსიპ საქართველოს კომუნიკაციების ეროვნული კომისია

მიმწოდებელი:
